

欽定剿平粵匪方略

欽定勦平粵匪方略卷三百二 壬戌年

四月十九日 辛未 托明阿瑛槩孔廣順張芾奏言

據探粵匪分股竄出大峪口尹家衛地方距省

五十里西安副都統烏蘭都帶隊前追衆寡不

敵迎勦失利臣托明阿添派馬隊四百名馳赴

尹家衛歸併前起馬隊擇地駐紮無如兵力尙
單各隊均被衝散現在城內萬分空虛惟有嬰

城固守以待援兵孔廣順移營藍田亦擬卽日
前進分別堵勦查粵逆前股由商州而陷鎮安
孝義道路梗阻文報不通是何情形迄無信息
次股分圍山陽雒南二縣勢甚危急並有股匪
接踵而來商州白楊店一帶賊蹤殆徧到處焚
掠刻下招募勇丁均是烏合之衆殊不足恃陝
省地居四塞最爲險要萬一有失則自皖豫以

至西蜀路皆可通山西直隸亦將震動大局何堪設想前奉

諭旨飭令湖北總兵何紹彩統帶得力兵弁迅赴商州等處會同孔廣順擊勦並經臣等奏調河南副將楊飛熊山西總兵崇安各帶精兵二三千名趕緊入關當茲事機緊迫惟有仰懇飭下湖北河南山西各督撫嚴催統兵各官無分星

夜迅速來省救援以維危局臣等仍就現有兵
勇民練竭力防勦不敢稍涉疏懈再此次竄匪
萬一分股北犯所關尤重臣等已咨山西撫臣
將黃河各船悉數撤泊北岸其陝境各處河道
凡有渡船亦皆責成各地方官一體辦理

托明阿瑛槩孔廣順張芾又奏言查勝保威望
素著刻下駐師太和縣且河南與陝毗連不致

有稽時日合無仰懇

天恩飭下該大臣先行派兵星速前來一而親至陝西省城或請

飭下袁甲三督帶兵勇兼程前來督勦俾除醜類而
保省垣又署甘肅提督馬德昭甫經由陝赴任
計期尙未行抵蘭州現在陝省督兵人少合無

仰懇

天恩飭下陝甘督臣沈兆霖飭令署甘肅提臣馬德昭統帶精兵二三千名星馳來陝會同臣孔廣順督勦奏入

上命議政王軍機大臣傳諭官文勝保托明阿沈兆霖瑛棨鄭元善英桂嚴樹森孔廣順張芾曰陝省兵力本不足恃歷年調赴河南等處軍營本省更形空虛此次逆匪竄入陝境剽悍異常現在竄至

大峪口等處已近咸甯縣界無險可扼情形喫緊甚屬可慮而另股分圍雒南等處計甚狡詐設省城稍有疏虞豫晉楚北均受其害官文等接奉前旨諒已飭令鄖陽防兵前往助勦著卽催令由襄樊荆子關一帶無分晝夜繞前迎擊其餘襄樊等處如有防兵可以抽調卽派道員金國琛統帶一併前進以期移緩就急保全完善楊飛熊一軍距

陝尙近著鄭元善卽飭赴陝力圖堵勦該撫務當
顧全大局不得以驅賊出境遂爲了事勝保所統
兵勇尙有萬餘現在羈上已克事機較順著卽抽
調精兵二三千名派委得力將弁管帶赴陝務飭
嚴爲鈐束迅速行抵西安不可以降衆充數徒滋
煩擾該大臣現在進攻邢圩儻因分兵赴陝不暇
兼顧皖疆卽將黃元吉所帶兵勇調赴穉子鋪等

處防勦一面咨會李續宜派兵扼守潁郡俟陝兵
調回再行辦理皖省軍務該大臣定知緩急機宜
斷不肯稍行推諉也馬德昭已經由陝赴任此時
諒可抵甘陝省爲沈兆霖兼轄之地如馬德昭業
已到任卽飭挑選精兵二三千名赴陝會勦所有
各路援兵到後均由孔廣順督率攻勦藍田爲西
安門戶卽著妥爲堵勦毋任竄入瑛棨等會同托

明阿嚴守省垣申明賞罰激勵人心以期衆志成
城不得專待援兵藉詞推諉張芾亦當招集團練
協同固守山西雖稍遠賊氣但由潼關他竄則晉
省首當其衝所有茅津渡等處仍著加意嚴防其
黃河船隻著英桂卽飭悉數撤回北岸免致偷渡
並須派妥幹之員周密巡查不可稍涉鬆懈

二十日 壬申 袁甲三奏言查李世忠一軍已至儀

徵滿擬揚軍一出該提督卽親督全軍兩面夾擊乃據都興阿咨稱以逆匪屬聚城下揚營惟儘力戰守夾擊之謀尙難豫定臣以都興阿之不能會勦自有未能輕動之勢當經函覆李世忠諱囑仍由六合進勦一面飛致都興阿務與李世忠聯絡聲勢但得賊敗以精騎緊躡其後自收合擊之功茲復據李世忠來稟四月初五

日派撥提督李顯發等帶領馬勇至揚境甘泉
山及東溝地方遇賊接仗斃賊數百名逆匪回
撲六合縣城該提督一面分飭文武嚴加守禦
一面添撥李顯發等分出隊伍該提督親率數
十騎先行出城駐距城十餘里之王子廟地方
該逆前股已至見我馬隊無多蠭擁直撲該提
督且戰且走誘至荒莊適李顯發朱元興均各

帶隊趕到四路包抄左衝右突斃賊無數餘逆
紛紛敗退我軍奮力追擊除陣斬不計外復生
擒三百餘名殘敗之賊已向江邊逃竄儀境並
無賊蹤揚圍不日可解現仍察看情形再議進
勦奏八

上命議政王軍機大臣傳諭袁甲三都興阿曰大股
逆匪前次竄撲揚郡都興阿以賊衆兵單未肯輕

出自屬老謀深算昨據該將軍奏擊退攻撲揚城
賊匪均竄至儀徵附近郡城已無賊蹤揚境之賊
回撲六合經李世忠擊退後又併力撲犯揚州此
股賊匪未知是否卽係都興阿所擊退者惟都興
阿與李世忠若能合力夾擊便可肅清著卽會合
李世忠一軍追蹤盡力殲除無任回竄李世忠部
下人衆未能悉遵軍律都興阿不令赴揚郡一帶

恐其驟擾具有深意惟現當用人之際李世忠旣
能力解江浦浦口之圍追擊天六等處賊匪於揚
防亦頗有裨自後李世忠或撥兵助勦或與之夾
擊賊匪該將軍惟當處以平易與之聯絡期於和
衷共濟不必稍存成見現在儀揚之賊退向何處
袁甲三卽飭李世忠跟蹤追勦並派兵攻復九洑
洲等處以期節節進逼與上游楚師聯絡聲勢毋

稍鬆懈

二十三日

乙亥薛煥奏言查羅店西至嘉定縣城

二十里中閒大小賊營共有七座四月初一至

初三等日參將姜德督軍連破六營擒斬賊匪

甚多尙餘馮家石橋一處實爲該逆老營賊衆

死力拒守連攻三日未下姜德將

臣

所給投誠

免死告示徧貼隨令隊伍撤退二里是日被脅

之人從賊營逃出者甚衆姜德遂於初四日子
刻揮軍進攻環豎雲梯該參將先登躍上營牆
手刃一賊各弁勇相繼同上賊以火器抵抗千
總劉同緒等裹創殺賊餘逆敗竄當將賊營踏
平逐北追奔擒斬甚多先後斃賊一千餘名姜
德督勇進攻不旬日閒連埽逆壘十餘處斃賊
一千數百名實屬奮勇可嘉陣亡將士尤堪憫

憫花翎五品項戴周得成身先士卒力攻賊營
歿於行陣仰懇

天恩飭部從優議卹奏入

上諭內閣曰官軍擊賊獲勝帰平羅店賊壘勦辦尙
屬得手仍著飭令該參將等會同水陸各軍乘勝
進攻太倉迅拔堅城毋任久踞花翎五品項戴周
得成力戰陣亡深堪憫憫著交部從優議卹

二十四日丙子都興阿奏言逆匪退至儀徵仍分

踞各路時出擄掠經總兵詹啟綸疊派副將孫文友等出奇截勦連獲勝仗其竄擾沙漫洲等處另股數千經黃彬吳全美分飭副將黃廷陞遊擊梁阜高等督帶師船轟斃甚多旋據各路探報本月十三十四等日賊已乘夜西遁有由紅山窯渡河分路回竄之信又欲分股竄往六

合當派副都統杜嘎爾督帶馬隊急馳追勦十五日追至儀徵探得逆匪南股已近浦口北股已逾六合池西遠竄杜嘎爾等因天晚撤隊回營現在揚境一律肅清此次各營將士力戰解圍異常奮勇謹將尤爲出力各員弁先行開列懇

恩獎敘其餘在事員弁兵勇容分別查覈彙案保獎

都興阿又奏言兩淮鹽運使喬松年自奉

命督辦沿江各屬團練以來率同官紳實心籌辦並
自備敵划數十隻無論何路警急隨在分投策
應尤爲得力洵屬忠勤卓著曉暢戎機江蘇補
用道許道身接辦江北糧臺不及半月正值軍
情喫緊前任臺員移交餉糈軍火甚屬寥寥乃
該員不畏艱難竭力設法不數日間接濟各營

火藥二萬一千餘斤火繩鉛丸礮子以及噴筒
火箭等項均能趕辦足用戰守無缺並措辦餉
銀購買食米源源接濟洵屬勤奮急公顧全大
局以上二員應如何獎敘以示激勸之處出自
逾格鴻施奏入

上諭內閣曰此次官軍續獲勝仗揚竟肅清勦辦尙
可得手在事出力之總兵黃彬吳全美詹啟綸著

各賞給白玉翎管一枝白玉搬指一箇大荷包一
對小荷包二箇並交部從優議敘副都統杜嘎爾
著賞給頭品頂戴遊擊孫文友著賞給赳勇巴圖
魯名號都司胡世英著免補遊擊以參將儘先補
用並賞加副將銜驍騎校富陞著以佐領儘先補
用並賞加協領銜兩淮鹽運使喬松年著交軍機
處記名遇有按察使缺出請旨簡放江蘇補用道

諭道身著賞加鹽運使銜其餘在事尤爲出力員
弁兵勇著准其彙入前次特旨准保案內由都興
開奏請獎敘

都興阿又奏冒查杜嘎爾現在江北軍營充當
翼長督帶馬隊當此軍務喫緊未便遽易生手
仰懇

天恩准新任京口副都統杜嘎爾暫緩赴任留揚以

資熟手實於軍務有裨其京口副都統員缺仍
令魁玉兼署奏入

上從之

同日慶端奏言三月十五日僞侍王率馬步隊
由江山小清湖過河焚掠經李元度會合左宗
棠所部楚軍分路擊退二十二日復將花園港
賊巢踏毀是役斃賊千計侍逆棄營逃竄訊據

賊供侍逆欲破江山以取衢州如不能得卽擬分竄江閩李元度督隊追勦沿途截殺不少二十五回道員章琮會督曾元福等親赴江山之保安一帶派遊擊白瑛等分路出哨行抵峽口江郎街賊匪開槍迎拒衆軍四面兜圍槍斃逆匪及落潤死者甚多救出難民百餘人餘賊四散又經鄉團迎頭截擊死傷枕藉處州一路先

經臣飭林文察率部由遂昌進勦林文察探知逆匪分踞遂昌之饅頭嶺及潘村等處糾合松陽一股約共四五萬人知我軍漸次逼近侍逆率黨往援圖截我軍之後林文察派參將林文明千總陳兆熊把總謝朝典等各帶臺勇分路設伏該逆分三路而來伏兵齊起林文察復督率方國恩等分路接應斃賊四五百名各匪敗

逃是夜該逆又率衆襲劫我軍營盤林文察張
所獲賊械以誘之該逆擁入村口林文明等軍
四面兜圍各匪自相踐踏死者無算查侍逆率
衆十餘萬竄踞江山縣境窺伺江閩因仙霞各
關布置嚴密該逆屢次撲犯均經我軍圍擊無
隙可乘率黨圖竄廣豐經撫臣左宗棠督同李
元度痛加勦洗屢獲大勝閩軍復躡其後賊勢

漸蹙棄壘竄逃現在江山縣境一律肅清臣已
飭令各軍滾營前進節節埽蕩奏入

上命議政王軍機大臣傳諭慶端耆齡徐宗幹左宗
棠曰衢處兩路官軍連日攻勦均獲全勝江山縣
境一律肅清著慶端卽飭帶兵各員乘勝進攻節
節掃蕩將台處等處失守郡縣次第規復無稍延
玩左宗棠前奏花園港之賊向上台毛村一路潛

近該撫派安越等軍分別防勦而自率各營由常山跟蹤追勦此股賊匪是否由衢州仍回大洲全旺老巢抑或由遂昌而竄龍泉左宗棠連日追勦應已將竄匪悉數殲除旬日以來未據續報情形實深塵念該撫接奉此旨卽將近日閩浙軍情詳細奏聞慶端所奏道員章琮會督副將曾元福等在峽口江郎街獲勝聲敘殊未明晰並著左宗棠

查明具奏徐宗幹由海道赴閩爲日已久何以尙未到任該督卽咨催趕緊赴任在省調度耆齡奉命援浙閩省軍務是其專責著卽督帶粵兵剋日赴閩與慶端左宗棠籌商會辦以厚兵力而牽賊勢

二十五日丁丑鄭元善奏言毫捻前由陳汝乘隙

西趨粵逆亦由新蔡解圍西竄迨臣帶兵出省

而髮捻已分道交馳洛宛亦同時告警雖粵逆
狂燄甚於捻氣而河洛完區重於南宛楊飛熊
一軍由汝州疾趨洛郡繞出新澠力扼西北兩
面正在勦辦契緊勢難令其入陝另派護理南
陽鎮總兵徐榮柱調集標兵追勦粵逆乃該逆
經宛屬鄉團擊敗卽由內鄉淅川邊境進窺商
南紛竄南山一帶翻山越嶺飄忽異常豫兵尾

追勢已無及現在陝境粵氛正熾該匪於四月
十三日由商境進撲雒南逼近閹鄉情形緊急
臣查閩鄉北接晉壤西倚潼關地方形勢最爲
要害臣另派兵勇千名遴委得力將弁統帶星
夜馳赴閩鄉之大峪口扼要駐紮會合陝兵相
機勦擊兼與晉省防軍互爲聲援奏入

上命議政王軍機大臣傳諭鄭元善毛昶熙曰現由

商境進撲雒南之賊已逼閬鄉該撫抽撥兵勇千
名赴大峪口駐紮該處爲豫秦晉三省要隘自應
力扼賊蹤著卽星速如數調派以杜紛竄至業已
入陝之匪該省兵力難資堵勦恐其因楚軍截勦
緊嚴或折而西趨或由潼關上流徑行北犯擾及
晉省其患均不可勝言前經諭令將道出商城之
袁懷忠等所部兵更留於豫省西界堵賊回竄現

在楊飛熊旣未能入陝卽可將此軍一併留豫以便另選得力之軍迅由蒲同一帶前往陝省迎頭截勦所派前赴閩鄉之兵係屬何人統帶未據聲明該省帶兵將領如巴揚阿圖塔納等均稱得力卽著會同毛祖熙酌量調派此外添調赴陝助勦之兵亦必妥派得力大員管帶前往總期迅速成事不得遷延貽誤

二十六日戊寅袁甲三奏言據總兵張得勝候補

宜

道馬新貽等稟報接到多隆阿密札以陳玉城
負嵎不出宜誘出擊之冀獲全勝張得勝等於
四月初十日帶隊至北門半里會合楚師設伏
於山岡之後派都司楊先受帶隊至北門橋誘
敵另派一軍換用團練旗幟前往接應以示弱
該逆出城迎敵鏖戰逾時我軍佯退引賊追至

山岡見我旌旗密布驚潰回奔多隆阿揮兵掩殺斃賊甚多賊遂不敢復出張得勝等卽於北門外紮營六座均與楚軍相連緊逼城垣四面合圍該逆於十四日二更後帶領悍賊分出東北兩門攻撲楚皖各營欲圖背城一逞我軍守營對擊一面挑選精銳出營力戰兼備截勦北門正酣戰閒楚師已於東門薄勝趕至北門斷

賊歸路賊遂大潰兩軍合力衝殺乘勢搶過城濠該逆回城無路遂向西北奔竄經官軍轟斃殺斃及落水淹斃並自相踐踏而死者尸積如山多隆阿督隊由東門進城張得勝由北門進城將截回之賊巷戰搜殺翦除淨盡廬州府城卽於十五日克復多隆阿與張得勝等會晤後復添派馬步跟追多隆阿又親督後隊繼之三

戰三捷益斬萬計衝殺無數餘賊不過二三千
名已飭追兵迅速前進毋使餘燼復燃現在李
續宜已至六安臣咨飭府縣各官迅速進城辦
理善後此次會攻廬郡文武員弁兵勇均屬著
有微勞可否准臣查明擇尤酌保出自

聖主鴻施

袁甲三又奏言據探廬郡敗逆所贓不足二千

人竄至壽州城外環跪乞降壽州城門已閂未
容入城臣查首逆陳玉城平日暴戾恣睢與江
南各逆積不相能惟賊首馬融和陳得才等係
該逆心腹前次竄赴西路會合捻苗亦係該逆
主使屢次拏獲僞信該逆總慙捲於西路與苗
亦聲息時通今向西北竄突必非無因而至臣
甫得廬郡克復之信卽飭總兵博崇武督練截

勦並飭姚家灣練總姚紹珍趕調淮南團練由
朱家集一帶扼要兜擊不容該逆渡淮北竄以
冀殲除淨盡但苗沛霖心懷叵測是否不致收
納尙未可知臣現又札飭姚紹珍令其擒斬陳
逆毋狃免脫一面嚴札博崇武申明約束以該
逆罪大惡極斷無准其投誠之理且壽州正陽
係該署鎮轄境責無旁貸備容一人一騎偷渡

淮河或闌入壽州定惟該署鎮是間至李續宜
現駐六安由六至壽一路早已節節布置多隆
阿又督馬步趕追必能會商妥辦奏入

上命議政王軍機大臣傳諭官文曾國藩袁甲三多
隆阿李續宜曰廬州郡城被陳玉城竄踞已久據
袁甲三奏多隆阿密約總兵張得勝等誘賊出擊
四面合圍將廬州府城克復首逆在逃已筋練總

姚紹珍設法殲擒廬郡克復詳細情形雖未據曾
國藩等奏到據袁甲三所奏各情陳逆率其悍賊
衝圍而出固由官軍圍攻甚緊亦恐尙有與張落
刑苗沛霖等先期勾約情事袁甲三惟當急圖補
救嚴飭練總姚紹珍等調集練衆扼要兜擊毋令
該逆渡淮北竄如該練總能將首逆殲除定當破
格獎勵並著多隆阿李續宜密飭各路將弁偵探

該逆去向跟蹤追蹤不使稍停喘息自可一鼓殲除博崇武係往來苗寨之人陳逆旣與苗練相通博崇武前往截勦殊不足恃袁甲三仍當於驅策之中嚴加防範至環跪壽州城外乞降之賊陳逆是否在內粵匪余汝碇是否尙在壽城不容敗匪八城者係屬何人袁甲三所奏未甚明晰著多隆兩李續宜就近查明會同曾國藩迅速具奏據袁

甲三奏苗沛霖心懷叵測能否不收納逆黨尙未
可知如陳逆徑投苗寨或苗練敢與官軍抗拒豈
可不聲罪致討現在廬郡克復兵力諒敷勦洗著
官文曾國藩多隆阿李續宜密速籌商應由何路
進兵苗寨何策可以制其死命官文等計議周妥
卽一面馳奏一面進兵不必有顧忌之見廬州善
後事宜著曾國藩李續宜妥爲布置前因陝省軍

務喫緊諭令鄭元善調派楊飛熊入關會勦並咨
會皖營將袁懷忠一軍調赴豫省以資防勦現在
西安馬隊業已調回豫省復另派勁旅赴陝該省
兵力本不甚厚袁懷忠一軍能否赴豫助勦著李
續宜斟酌辦理隨攻廬郡之所統文武員弁著官
文曾國藩等會同袁甲三擇尤保奏本日據英桂
奏山西防堵喫緊請飭催蒲州協副將王巨孝赴

任著袁甲三卽飭王巨孝迅赴本任毋稍遲延
上又命議政王軍機大臣傳諭勝保曰狗逆陳玉城
素稱兇悍亟宜設法殲擒以除後患現在多隆阿
等督兵追蹤該逆勢已窮蹙第恐乘虛西竄關入
豫境著勝保嚴飭各路將弁併力截勦毋令免脫
壽城附近苗練甚多苗沛霖不能擒斬張落刑已
屬疏縱此次陳逆餘黨奔竄到壽若再不知愧奮

激勵練衆將該逆擒獻是一誤再誤罪無可逭並
著該大臣密飭苗沛霖嚴密布置會同官軍務將
此股竄匪悉數殲除並將陳玉城及張落刑擒獲
或割取首級殄滅巨懸稍贖前愆

同日英桂奏冒准瑛梁容粵匪竄出大嶺口尹
家衛地方距省五十里派兵迎剿失利現在嬰
城固守以待援兵請調前河北鎮總兵崇安帶

精兵二三千名趕緊入關助勦秦晉脣齒相依
自當派兵往助何敢稍分畛域第據各路探報
豫西逆捻未淨疊獲奸細僉供賊欲占踞洛陽
以窺山陝現尙分擾汝伊等處難保不仍圖回
竄且粵逆既逼陝西省城相距潼關不遠又有
另股竄踞雒南縣境石門安平一帶滋擾潼關
戒嚴查潼關與山西蒲州僅一河之隔潼關迫

西三河口等處皆有船隻均通黃河萬一該匪搶船北駛順流而下不惟晉省沿河州縣處處可危且茅津渡去河東道駐紮之運城不過百里是本省現有之兵尙形單薄若再分派出省一旦狂寇突至何以禦之現在大同官兵雖已將次到防而黃河絲長日岸林立尙覺不敷分布已飭沿河各州縣多募精壯民勇在各口岸

常川駐守所有黃河各口渡船祇留一二隻遞送文報餘悉撤歸北岸惟陝西之三河口等處爲各貨船聚集之區前曾移會飭撤北岸抗不遵行現又飛咨該省迅卽查辦以免逆匪搶船竄擾一面咨飭護太原鎮總兵和昌專駐蒲州河東道劉子城專駐茅津與崇安等督率在防員弁實力堵禦仍探明何路喫緊卽將各兵勇

就近調度並派妥幹之員周厯巡查以期嚴密
惟關中係天下形勝之地關繫西北大局據探
竄擾陝西之匪分爲三起衆有數萬已過藍田
距省城二三十里勢甚猖獗必須厚集兵力統
領得人方能滅此朝食應請

旨飭下勝保酌留兵勇在皖擇要駐紮一面統帶精
銳兵勇兼程赴陝以資堵勦

英桂又奏言晉省徵調頻仍武職不敷委用應請

旨飭袁甲三催令新補蒲州協副將王巨孝趕緊赴
晉任事以資防禦而專責成奏入

上命議政王軍機大臣傳諭托明阿瑛棨孔廣順張
芾英桂曰陝省潼關等處與晉省僅一河之隔自
應添雇民勇嚴密扼守第恐新募之勇未經行陣

必須勤爲操演方足以資禦侮著英桂督飭和昌等將茅津渡各處妥爲布置毋得僅託空言致有貽誤瑛棨前奏請飭晉省將黃河船隻撤歸北岸何以三河口等處船隻仍未檄撤辦理甚屬顚預著卽飭令提歸北岸以昭嚴密備任賊乘船偷渡惟瑛棨是間賊匪前竄尹家衛曾諭孔廣順迅赴藍田堵勦何以任令竄過現在賊衆究有若干竄

至何處同州等處是否派兵扼堵西安防務布置
是否妥協托明阿等責無旁貸務當就現有兵力
分投堵勦不得諉爲賊衆兵單任其竄逸張芾辦
理團練年餘著責成號召鄉團以助官兵聲勢儻
有貽誤則王履謙之覆轍具在不能仰邀寬典也
孔廣順以告病之員特召起用倚任不爲不專著
卽由藍田將北竄之匪截回免致擾及完善勝保

現在太和侯布置廳定卽當先其所急帶兵赴陝
該撫等均膺疆寄務須先就現有兵力實力勦洗
不得專待援師致滋貽誤英桂奏請飭副將王巨
孝赴任已諭袁甲三飭令迅速前往

同日劉長佑奏言據浙江藩司蔣益澧稟稱駐
潯湘軍先後撤回省城業經廳爲整頓已於四
月初一至初五等日由粵拔營取道湖南以期

迅速該司卽於初八日親赴廣東催領舊欠協
餉及整裝銀兩臣飭該司兼程赴東一俟領取
行糧卽由樂昌回湘督催所部湘勇剋日赴浙
協勦奏入

上命議政王軍機大臣傳諭劉長佑曰前因浙江軍
情喫緊諭令劉長佑飭催蔣益澧一軍迅速赴浙
茲據奏稱該藩司業將湘軍驅爲整頓由粵拔營

著劉長佑卽飭該藩司迅速剋期赴浙並咨照勞
崇光將該藩司行糧餉項寬爲籌備趕緊給發俾
利遄行

欽定勦平粵匪方略卷三百三 壬戌年

四月二十七日己卯官文嚴樹森奏冒粵逆竄入

武關秦中外險已失商州四通八達西可至藍
田東北可繞潼關之後直至華陰正北則由小
秦嶺而達渭南縣一渡渭河卽與同州府所屬
處處毗連且豫省大股皖捻自竄擾宜陽縣後
西趨永甯盧氏踰熊耳山卽入陝西雒南縣界

可以直趨渭南縣是潼關雖險已成贅瘤臣等
以目下形勢論之不慮竄商南之粵逆合皖捻
南趨轉慮犯雒南之皖捻會粵賊西竄況粵逆
僞扶王僞遵王僞齊王等皆著名老賊兇悍異
常非尋常皖捻志在擄掠者可比一經深入不
特腹地遭其蹂躪卽陝西省城亦必震動近又
聞皖捻劉大淵一股已由陳州周口陸續西向

若爲此股後繼者陝省二百餘年未見兵革茲
驟遭粵捻之患民不知兵兵不習戰顛沛流離
固所不免而陝西爲財賦之邦西同鳳三府又
爲菁華薈萃近年用兵各省皆藉陝省協餉聊
以支持卽京餉鉅款亦多取盈於此大局所關
誠非淺鮮刻下鄭元善駐師許州派軍繞扼西
北跟蹤追擊若不能繞出賊前卽成尾追之勢

追之愈急入之愈深賊蹤所過村市爲墟臣等
晝夜焦思計惟先行驅賊出關然後會合夾擊
以保完善惟楚邊不靖三面傳烽兵以分而見
單賊以聚而益衆豫省光息正陽信羅桐泌等
處偏地捻氣橫亘千數百里處處與楚接壤現
在道員梁作楫率五營駐麻城之兩路口副將
周鳳山率四營駐孝感之三里城道員歐陽正

塘率八營分駐德隨安襄鄖荆道金國琛率人
營駐襄陽分守要隘策應各路一經撤動賊必
伺隙交乘現在襄棗防務稍鬆臣等已飭總兵
何紹彩四營馳赴鄖陽先行相度地勢扼守要
隘一面探明賊蹤所向拔隊前進會合陝豫官
兵相機夾擊惟期合力截勦驅賊出關勿令流
毒完善以仰副

聖主曉念西陲至意李續棟所募勇丁臣等已飛札
催調一俟來鄂卽當竭湊行糧催令迅速赴豫
歸鄭元善調遣藉資得力奏入

上命議政王軍機大臣傳諭官文嚴樹森鄭元善曰
前因陝省軍情喫緊節經諭令官文等調派官兵
由荆子關一帶星馳入陝並酌量抽調襄樊防兵
交道員金國琛統帶一併前進以期移緩就急官

文等此奏自係尙未接奉前次諭旨現在陝省自
孝義鎮安失陷後匪蹤距省祇數十里旬日以來
未據瑛棨等馳奏軍情懸盼之餘益深焦急何紹
彩計已行抵鄖陽著卽嚴催該總兵督率所部無
分晝夜星速赴援出境夾擊毋得以扼守要隘爲
詞任意延宕該總兵四營共有兵勇若干恐兵力
不敷分勦並著官文等仍遵前旨酌派金國琛抽

調防兵分馳赴陝以期驅賊出關保全完善該大臣等既知近年用兵各省皆藉陝省協餉卽京餉亦取盈於此於大局甚有關繫亟宜不分畛域設法救援該大臣素來公忠體國諒不至以邊境未清調派一軍了事也楊飛熊不克赴陝鄭元善所派援兵著卽催令迅速遄行毋稍遲誤李續震所募勇丁計已成軍並著官文等催赴豫省交鄭元

善調遣以資防勦

同日曾國藩彭玉麟奏言據曾貞幹稟報繁昌既拔之後謀知蕪湖賊援潛在魯港增黨屯糧以圖抗拒遂商同總兵李成謀李濟清等水陸並攻爲日後進取蕪湖之地三月二十七日曾貞幹等引軍渡浮橋而進專攻北岸賊壘晏恭山引軍循魯港隄邊而進陶保堂引軍循江邊

大路而進合攻南岸賊壘李成謀督同各營官在江面乘鶴師船轟擊水路之賊彭楚漢復從港內率水勇飛槳而出該逆腹背受敵撲水死者甚多賊船百餘號賊礮數百尊悉爲我有兩岸陸師見賊勢已挫亟向石壘石卡盡力奮攻水師各營登岸助戰賊卽潰退立將壘卡一律毀平遂復魯港餘匪悉向蕪湖竄走魯港旣克

之後即可下達蕪湖而上蔽甯國者祇有南陵
一縣則亦以速取爲宜二十九日曾貞幹謂黃
潤昌張鍾等各率五成隊伍由石硊渡河而南
仍親率所部並晏恭山陶保堂各營出繁昌山
路整軍疾進密約四更時分各挾火具會抵南
陵城下初我軍之將攻魯港也繁昌戍卒抽調
一空曾貞幹以該處密邇南陵豫遣死士先往

南陵附城一帶相度營基暗插標識復揚言大
兵卽日壓境以懾賊心賊多自危不敢外竄至
是曾貞幹帶同馬步諸軍乘夜猝至薄城而營
萬炬齊燃光燭數里賊蒼黃驚起曾貞幹揮令
各營環城施礮猛擊逾時轟塌數丈衆軍從城
缺攀躋而入縱橫擊刺所向披靡賊乃擁至東
門望甯國一路而逃卽於三十日克復南陵縣

城城中捕斬五百餘級搜獲米穀礮械甚夥臣
查魯港爲蕪湖門戶南陵亦甯郡藩籬數日之
間相繙攻克從此分道進兵規取甯蕪可無後
顧之慮在事員弁著有微勞可否彙入繁昌案
內容臣查明保獎之處恭候

聖裁奏入

上諭內閣曰水陸各軍會克魯港要隘並攻克南陵

縣城勦辦甚爲得手仍著曾貞幹等飭令各軍奮力追勦並分兵迅克蕪湖等城毋令逆賊久踞在事由力各員著曾國藩彙入克復繁昌案內奏請獎勵

曾國藩又奏言自鮑超一軍速克青石太涇四縣後旌德與甯郡賊勢中斷不能聯爲一氣福建臬司張運蘭恐踞旌之賊窮極思竄遂率所

部湘營商同署皖南鎮總兵唐義訓派撥三營
以勦爲防先發制之四月初一日行抵距城十
里之跳生橋先飭陳玉恆帶中右營列旗兩岸
復分隊作爲游兵以防賊抄後路仍親督將士
懸軍深入比及城闕賊不敢出張運蘭密遣前
敵軍士故亂其伍以誘戰又從山後駐馬瞭望
遙見城賊將欲伺隙出巢遂令各軍突起排礮

仰轟躍濠直進該逆惶急繞城環走飛石下擊
衆勇雖有傷亡而奮力爭先曾不少卻鼓聲礮
聲猛若疾雷轟塌北門城牆丈許西門城垛十
餘處張運桂冒煙突火躬率士卒蟻附而升賊
搶擗口急以火器死拒我軍中槍而墮者四人
受傷甚多張運蘭恐有挫失暫令收軍以俟詰
朝進攻初二日忽報城中之賊悉數宵遁一山

烏嶺走甯國縣一由梅嶺走甯郡張運蘭入城
捕殺餘孽張運桂會合各營馳斬尾股斃賊不
少解散脅從千餘人搜獲米糧數百石卽將縣
城克復在事出力及陣亡員弁兵勇容臣查明
分別奏請獎卹奏入

上諭內閣曰徽州防軍克復旌德縣城所有出力及
傷亡員弁著曾國藩查明分別奏請獎卹

同日袁甲三奏言據署壽春鎮中營遊擊朱佩
棻稟稱狗逆陳玉城於四月十七日辰刻竄至
壽州東津渡距城五里該遊擊會商苗練佯許
進城現將狗逆及隨從僞王僞佐等七人全行
細縛又據外委傅兆瑞回營稟稱該弁同進壽
城苗練留守壽州之李萬春已將陳玉城等七
人誘令進城餘衆安置城外一面請示苗沛霖

十九日得苗沛霖信卽將該逆等生擒次日派
船械送潁州之江口集苗練營盤聲言解赴勝
保軍營賊黨二千在東門外駐紮均令薙髮赴
下蔡分散各隊調用又稱當陳逆就獲時多隆
阿亦專弁進城諭令拏獻解營訊辦該練回覆
已解勝營等語臣查四眼狗本與苗練聲息相
通此次由廬州直奔壽州其詭謀可想而知而知苗

練見其勢窮且追兵踵至未必非藉擒獻立功
以掩其從前叛逆之罪該練之事係勝保一力
主持所言解赴勝保軍營尙屬可信陳逆惡貫
滿盈勝保以大局爲重必能除此巨憝毋庸臣
之過慮但其餘黨二千餘人均屬獵悍之賊若
任苗練收之用其死力爲害不可勝言應請

旨飭下勝保督令苗沛霖將已收逆黨全數交出一

併正法毋任一名漏網庶不致再有後患

袁甲三又奏言查僞琳天燕余汝碇本係廬州人爲苗練勾結而來久住壽州與粵苗時通消息現聞該逆因賊勢窮蹙已薙髮歸順苗練其人詭譎狡詐斷不可使爲苗用又有信茂林者籍隸壽州亦係爲苗勾粵之人屢見於僞信並聞其往來廬郡販硝濟賊亦屬法無可貸現在

淮南漸就肅清此等莠民豈容倖逃法網應請
旨飭下勝保飭苗沛霖將二犯一併交出立正典刑
袁甲三又奏言皖軍克復廬城時生擒賊首僞
王宗棟天義陳潮旺一名訊係廣西起首老賊
派員押解到營臣委員訊問據陳潮旺供廣西
北流縣人粵逆自金田鎮起事僅一百八十人
卽有該逆在內是年爲官軍擊敗該逆身負僞

東王楊秀青逃跑楊秀青呼爲恩父陳玉城係
其族姪是以呼爲王宗又云廬郡城內糧草足
支三月惟油鹽甚缺專盼上年西竄之僞扶王
陳得才僞天將馬融和等股回廬救應前幾日
接到苗沛霖來信知潁郡解圍陳得才西竄已
遠馬融和跟隨張落刑逃去均不能回救囑其
早作打算狗逆盼援絕望又見楚皖官軍四面

合圍恐蹈安慶故事是以背城一逞嗣因官軍
拏殺無路可逃致被擒獲又云廬郡及和含浦
六一帶均係出糧之區江南向藉江北之糧今
全被官軍克復金陵萬不能久踞等語臣於訊
明後卽將該逆凌遲處死梟首示衆以快人心

奏入

上命議政王軍機大臣傳諭僧格林沁曾國藩勝保

袁甲三多隆阿李續宜鄭元善曰陳逆四眼狗屢抗官軍從前李續賓等均被該逆戕害實屬罪大惡極旣經苗練擒獲人心當爲大快而苗沛霖前罪亦可寬宥如將陳逆解到後卽著勝保將其凌遲處死務卽傳首李續宜多隆阿袁甲三等楚皖各營以洩衆憤而伸天討其余按碇信茂林二犯亦著勝保飭令苗沛霖卽行解赴該大臣軍營

併明正典刑備苗沛霖意存觀望不肯將狗逆獻
由或縱令竄逸又如任聽張落刑回竄雉河集故
智則是甘心叛逆罪無可辭卽著曾國藩多隆阿
李續宜等仍遵前旨督飭將領將苗練一併勦洗
如苗沛霖業將狗逆釋放或勾結張落刑渡淮北
竄著僧格林沁督兵迎勦或該逆西趨陳項抑或
由南陽一帶奔竄商雒希圖會合髮逆卽著勝保

鄭元善分飭將弁節節堵截毋得稍有疏懈本日
據曾國藩奏克復旌德縣城南岸軍威甚振卽著
飭令曾貞幹等乘勝迅克蕪湖太平直逼金陵鮑
超一軍卽飭進攻甯廣分援湖州規復高淳東壩
以期與江上之師聲勢聯絡併力進攻又據袁甲
三奏擒獲老賊陳潮旺供稱江北各城全被官軍
克復金陵糧道已斷萬難久踞該大臣志在滅賊

一切機宜諒必妥籌熟計迅奏膚公

上又命議政王軍機大臣傳諭勝保曰苗沛霖前縱
張落刑逃竄此次擒獲陳逆以明其身非背叛自
表心跡該練由生員辦團諒不甘居叛逆之名自
必將陳逆獻出朝廷卽因此施恩免其治罪則羣
議亦可自息著勝保傳諭苗沛霖迅速交出毋許
觀望至余汝碇信茂林二逆亦投入苗練夥中著

飭令交出一併明正典刑其餘逆黨二千餘名現
經苗沛霖調赴下蔡等處備用試思該線既非叛
逆豈肯容留逆黨著責令悉數交出盡法處治用
明心跡該大臣前在天長等處曾爲陳逆挫敗此
時自必樂於殲除第思李續宜之兄李續賓在三
河陣亡該撫切齒家仇尤甚於勝保現旣幫辦該
大臣軍務卽係同辦一事該大臣於接收陳逆後

卽將該逆正法傳首李續宜多隆阿袁甲三等楚
皖各營以見眞僞而快人心李續宜自必感勝保
同仇之意數月來披覽該大臣等章奏總覺意見
未融該大臣向來辦事直遂徑行因爲轉輾籌畫
是卽所以保全該大臣之意以息人言將來論克
廬郡之功則勝保擒首逆衆有明證自必一概
施恩若僅於軍營正法則眞僞難明謗議必多豈

能排衆議而曲加殊恩想該大臣深知此意必不
稍爲漏洩也

袁甲三又奏冒六合境內賊匪繞赴東路直撲
縣城圍攻東門外營盤勢甚猖獗提督李世忠
督飭署六合縣知縣馬鴻翔登陴固守槍礮連
環未容該逆近城一面調李顯發等夾擊力戰
一日始行收隊賊退踞六合東北之八步橋四

月十四日李世忠親帶精銳直趨賊營賊猝死
抵敵我軍三戰三勝賊向西北奔竄該提督恐
賊竄撲滁來派朱元興蔣立功等回援來安而
自率大隊由閒道策應滁州朱元興等遇賊於
竹鎮集一戰獲勝斃賊甚多而賊之另股已徑
撲來安縣城副將陳自明等登城守禦並挑選
奮勇縋城而下與朱元興等軍兩面夾攻逆勢

不支紛紛撤退朱元興等分投追殺殲斃約七
百餘名遂解城圍敗賊向南歸併竄滌大股在
雷官集一帶盤踞李世忠行抵水口抄出賊前
十八日副將劉長發陳自明等佯敗誘敵該逆
蠭擁追撲行未數里伏兵盡起該逆驚惶失措
隨卽返奔總兵陳廣俊等併力追勦賊自相踐
踏死傷不計其數生擒五百六十八名奪獲輜

重尤多餘賊退赴江邊尙未遠去該提督已將
水口營盤紮定察看賊情再行相機勦辦臣查
大股粵逆兩撲六合再擾滻來李世忠激勵諸
軍更番力戰俾數萬悍賊到處受創現雖未渡
江南去而殘敗之餘其氣大餒臣已飭李世忠
乘此軍威力圖埽蕩尤爲出力之總兵李明富
等謹先行開列懇請

天恩獎勵其餘出力文武員弁由臣先行存記俟江

北廓清再行奏懇

恩施奏入

上諭內閣曰粵逆二次竄撲六合並擾滻來均經官軍擊敗著李世忠卽督飭各軍乘勢埽蕩廓清江北所有尤爲出力之記名總兵李明富著賞給傑勇巴圖魯名號參將張大本著賞給烈勇巴圖魯

名號知縣馬鴻翔著賞戴藍翎把總金殿元著免
補把總以守備儘先補用並賞戴花翎其餘出力
各員弁著袁甲三先行存記俟江北廓清再行請
獎

二十八日

庚辰

兵部左侍郎勝保奏言粵逆陳玉

城逃出廬城勢將他竄臣卽密飭苗沛霖扼要
截勦毋令占踞壽城更不得任其假道致滋他

患並諭以前次攻勦頑上張落刑逃竄已爲憾
事今若能擒獲首逆非但建立奇功更可自明
心跡四月十七日辰刻陳逆率其死黨三四千
人竄至壽州城外東津渡地方苗沛霖密派伊
姪苗景開前往下蔡一帶相機料理苗景開卽
先至壽城密令投誠粵匪余汝璇開門迎接使
之不疑陳逆入城見余汝璇伏謁道左遂帶親

隨悍賊二三千人坦懷入城苗景開等候其進
城卽將釣橋撤去餘衆阻隔城外陳逆心生疑
懼頓欲出城苗景開卽會同署壽春鎮遊擊朱
佩棻會齊兵練突起拘執立卽綑縛並將僞導
王陳仕榮僞從王陳得德僞王宗統天義陳聚
城僞主將向仕才僞王宗凌天義陳汝城僞禱
天義梁灝新及其親隨僞官二十餘人同時就

擒其死黨見首逆被擒衆氣已奪同聲乞恩免
死臣接稟後馳回郡城派委副都統常海總兵
博崇武等帶領馬步三千名馳赴江口集將該
逆等押解到營臣親加嚴訊確係首逆無疑查
僞英王陳玉城爲賊中首惡其殘破郡邑荼毒
生靈不可數計此次竄至壽州尙有悍賊三四
千人並非十分窮蹙難保不欲襲取壽城另圖

大舉若使遂其狡逞貽患將不可勝言今幸罪惡貫盈竟爲我兵俘獲實非意計所及該匪罪大惡極僅於潁郡行營盡法懲治不足以昭炯戒卽於訊供後邊派文武大員酌帶兵勇並先期飭令沿途州縣按站豫備夫馬將該逆陳玉城等檻送京師處以極刑以彰

國憲而快人心已革四川川北道苗沛霖前因攻

克穎上奏請免罪此次復生擒首逆厥功甚偉
可否

賞還花翎布政使銜巴圖魯名號並開復道員原官
抑或另

予施恩之處出自

聖主天恩其設計擒渠各員弁謹分別開列一併奏

懇

恩施昨據苗沛霖飛稟楚軍日內派員赴壽追尋陳逆消息臣因思與楚軍同辦一事原無彼此之分已飭令將僞導王陳仕榮就近解赴楚營自行辦理其餘賊首容臣提審後分別重輕應否一併解京再行續奏至陳逆所帶悍賊除格殺外所餘二千餘人皆准其薙髮投誠發交各營歸隊管束令其殺賊自效當可得力奏入

上命議政王軍機大臣傳諭勝保曰苗沛霖設伏壽
州生擒首逆功原足錄而其從前屢經反覆罪狀
天下咸共聞知前經疊諭該大臣飭令苗沛霖務
將張落刑巨憝殲擒粵匪現擾秦中張逆被勦窮
蹙或由豫省西竄入秦更虞勾結爲患勝保尤應
兼顧總宜令該練就地將雉河集巨股殲除並將
張落刑余湊碇信茂林一併擒獻必當立予恩施

復其官職以示朝廷賞罰之公陳玉城爲賊中巨
寇此次生擒實足大快人心惟櫺送京師深恐沿
途防範匪易如未抑解起程著勝保卽遵昨降諭
旨辦理毋庸傳首至京若業已起程而行尙未遠
著卽派員追回遵辦儘前諭寄到已將該逆櫺送
就道距該大臣軍營已遠卽飛飭解赴僧格林沁
或鄭元善或吳棠軍營遵旨眼同該大臣委員辦

理仍傳首楚皖各營以彰國法

上又命議政王軍機大臣傳諭僧格林沁吳棠鄭元善曰本日據勝保馳奏詳陳苗練誘擒陳逆各情並將該逆檣送京師陳玉城以賊中梟獍罪惡尤著此次生擒實足伸國法而快人心惟檣送京師亦涉張皇且虞沿途防範匪易業經諭令勝保仍遵昨旨辦理第恐前諭寄到該逆業已檣送起程

北來卽著僧格林沁派委文武委員迎提來營仍
遵前旨凌遲處死傳首李續宜多隆阿袁甲三等
楚皖各營以洩衆憤如委員等行走路途距僧格
林沁軍營較遠卽著鄭元善吳棠一併探明就近
迎提督同勝保委員將該逆就地凌遲處死仍傳
首楚皖各營毋稍稽遲

上諭內閣曰陳玉城爲賊中首惡連年殘破郡邑荼

毒生靈不可數計實屬罪大惡極著卽將該逆在軍前凌遲處死並傳首皖楚各營以伸國法而快人心僞導王陳仕榮等著一併在軍前正法此次攻克廬郡堅城痛殲巨逆多隆阿所部楚軍實屬異常出力著官文曾國藩迅速查明在事出力員弁兵勇保奏用照激勸至設計誘取擒獲首逆並賊黨多名之員弁兵練亦屬著有微勞除苗沛霖

另行降旨准予免罪外已革副將苗景開著開復
原官勇號並著交軍機處記名遇有總兵缺出請
旨簡放署遊擊朱佩棻著以遊擊儘先卽補署總
兵博崇武著賞加提督銜遊擊王金奎著賞給克
勇巴圖魯名號其餘誘擒逆首及隨同攻克廬州
在事尤爲出力文武員弁著勝保袁甲三分別查
明保奏

上又諭內閣白苗沛霖因團練私憤輒敢擁衆圍攻
壽州負罪甚重此次陳逆被多隆阿等軍追勦窮
蹙竄入壽城若以苗沛霖縛獻微勞遽予開復恐
不足以服天下之心除苗景開等已有旨獎勵外
苗沛霖著加恩先行免罪准其自新俟擒斬張落
刑隨同官軍埽除蒙毫一帶擒逆巢穴後自必立
予恩施以示朝廷賞罰一秉大公至意

同日刑部奏言據江蘇巡撫薛煥派員押解已革兩江總督何桂清於本年四月二十七日解送到部查何桂清係已革大員伏乞

欽派大臣會同審訊以昭慎重奏入

上諭內閣曰已革兩江總督何桂清前因江蘇丹陽等城失守節節退避革職拏問疊經降旨飭催押解來京茲據薛煥等派員解送到部著派大學士

會同刑部嚴行審訊定擬罪名具奏

二十九日辛巳官文曾國藩多隆阿奏言三月二

十八九及四月初三等日臣多隆阿飭總兵雷正綰等進逼廬州南門均近河沿築營扼其要害並飭各營增修礮臺以大礮向城轟擊晝夜更番出隊惟屢次進攻時該逆每以大隊出救臣多隆阿密飭各營先將雲梯暗運城下派總

兵石清吉等營列隊西門水西門一帶派余福
象等營列隊得勝門南門小東門一帶飭雷正
綰率精選等營攻大東門外賊壘三座以誘賊
該逆以槍礮抗拒雷正綰等督令士卒拔毀木
城四道填濠架梯而上維時陳玉城果率大隊
悍賊由東門薄壘而來希圖援救經雷正綰等
分隊迎勦奮力擊退該逆未敢入城卽循城向

板橋河而去士卒進攻愈力斃賊甚夥多隆阿
卽飭各營豎立雲梯由西門南門得勝門等處
一擁而上城逆驚亂卽向北門出竄雷正綰等
率兵追截適提督張得勝亦督兵練趕到北門
兩軍併力截殺四眼狗見我軍追殺甚急當將
板橋河浮橋撤去遂向壽州一路奔竄是役共
殺斃賊匪九千有奇生擒老賊八百四十七名

內有僞官二百十餘名均經訊明正法解散脅從男婦七千餘人於十五日克復廬州府縣城池此次將士用命力破堅壘克復名城斬馘幾及萬餘實足以伸

天討而快人心所有尤爲出力之總兵雷正綰等謹卽開列奏懇

獎敘奏入

上諭內閣曰昨據袁甲三奏多隆阿所部楚軍會同
皖營攻克廬郡業經明降諭旨准將在事出力員
弁查明保奏茲據官文曾國藩等奏官軍克復廬
州府城詳細情形陳玉城久踞廬州負嵎死守經
楚軍會合皖營將弁奮力攻勦克復堅城斬馘甚
衆實足以伸天討而快人心多隆阿身臨前敵調
度有方深堪嘉尙前於克復安慶案內業經賞給

雲騎尉世職此次著再加恩賞加騎都尉世職其
戰功卓著之記名提督陝西陝安鎮總兵雷正綰
著遇有提督缺出由軍機處提奏總兵張得勝著
交部從優議敘記名總兵石清吉楊朝林余福象
曹克忠趙旣發均著賞加提督銜儘先副將王萬
年劉寶國朱希廣陶茂林姜玉順均著交軍機處
記名遇有總兵缺出提奏儘先副將陳天佑魏添

應藍斯明王清泉均著賞加總兵銜儘先參將劉連陞譚仁芳劉正高張養吾萬鳳書桂學高均著免補參將以副將儘先卽補桂學高並賞給剛勇巴圖魯名號儘先副將余文科著賞給盛勇巴圖魯名號儘先參將徐明德著賞給勳勇巴圖魯名號儘先參將蔣占龍巢端南均著賞加副將銜儘先遊擊梁美材著免補遊擊以參將儘先卽補並

賞加副將銜儘先守備周吉祥著免補守備以都
司儘先卽補並賞加遊擊銜候補同知直隸州知
州方策勳李宗賓均著免補本班以知府記名遇
缺簡放候選同知楊德峻著免選本班以知府不
論雙單月儘先選用記名副都統呼蘭佐領穆圖
善著遇有副都統缺出請旨簡放記名副都統溫
德勒克西著交部從優議敘儘先協領吉林佐領

舒亮著以副都統記名簡放以示獎勵其餘在事
出力員弁兵勇著官文曾國藩等仍遵前旨迅速
查明保奏

官文又奏言廬郡甫經克復陳逆四眼狗逃赴
壽州狡計百出或聯捻匪以北犯或糾髮黨以
東趨亟應覩其所向設計截剿又竄赴陝西一
股如係該逆所使必將接踵西奔多隆阿率得

勝之師分道躡追或可殲厥渠魁不至蔓延爲
害查多隆阿一軍素稱勁旅自去秋至今連克
桐舒廬郡其勇略實出諸軍之上紀律嚴明兵
民愛戴聲威所至羣賊膽寒且多隆阿秉性剛
直決策神奇若使之受制於人遇事或有掣肘
轉無以盡其設施臣之愚見應令自成一軍以
專責成而收實效此次追賊壽州與勝保等軍

相距較近多隆阿所部多係楚人恐與勝保等
營兵勇心志不齊難期合力用命而廬郡控制
江北屏蔽全淮竭數萬人血戰之功始能得此
堅城仍應重兵駐守以固江淮全局此後多隆
阿一軍應如何調撥征勦容臣與曾國藩等細
察賊勢妥爲籌商再行奏請

訓示遵行

同日托明阿瑛棨孔廣順張芾奏言查粵逆偏
貼僞示聲言欲撲省城臣等反覆思維我軍過
於單薄若不派兵出隊誠恐該逆窺破虛實益
肆憑陵當卽派參將阿揚阿等帶兵從尹家衛
中路之三兆地方進剿復派都司張鵬飛等分
帶兵勇從尹家衛之西路韋曲進剿四月十九
日賊分兩路蠭擁而來阿揚阿行至三兆突遇

逆賊大股馬步齊進直撲我軍阿揚阿督軍壓
退三次詎賊匪抵死上樸馬隊兩面包抄愈集
愈多我兵祇八百名衆寡不敵偏入溝內阿揚
阿身受重傷猶復奮勇殺賊官兵無一卻退血
戰兩時以致傷亡多名經臣孔廣順飛調張鵬
飛等兵勇接應賊匪不敢再進十九日另股從
杜曲入犯經兵勇民團奮勇迎擊該匪紛紛敗

退戶家衛大股乘夜遁往藍田二十二日竄至
藍田渭南交界之處臣等已飛檄渭南縣知縣
曹士鶴豫爲布置續來賊匪分股竄入雒南山
陽二縣其圍雒南者節經該署知縣張國鈞會
同防勦擊斃賊匪多名城圍立解該匪向東南
急趨似有回竄老巢之勢刻下商雒均無賊蹤
滇關防務較前稍鬆臣孔廣順卽督飭兵勇跟

蹤追勦臣張芾與各紳士激勵民團分路截擊
總期殲除醜類力保完善第賊騎縱橫此出彼
入防不勝防惟有仰懇

天恩飭催河南湖北各省官兵迅速來陝以期早埽
妖氛奠安關輔

瑛棨孔廣順又奏言本年三月聞粵逆竄入陝
境臣孔廣順督兵前往防勦臣瑛棨恐後路空

虛當派甘肅候補副將施鵬帶兵前往泥峪口
一帶作爲後應聽候臣孔廣順節制後因賊竄
葛牌鎮臣孔廣順督兵往勦適值商州知州曹
熙以續到賊匪盤踞該州白楊店地方情形喫
緊請兵截擊該副將不候札飭徑赴商州入城
株守延不出戰似此無能恇怯之員未便姑容
應請

旨將甘肅候補副將施鵬卽行革職以昭懲儆均奏
八

上命議政王軍機大臣傳諭官文嚴樹森沈兆霖駱
秉章托明阿瑛梁孔廣順張芾英桂鄭元善曰逆
匪自孝義鎮安竄逼陝省雖經兩次截擊竄走距
省尙不甚遠卽商雒續來股匪亦未大加懲創均
難保不伺隙回竄孔廣順由藍田督兵追勦著卽

趕緊乘機進取務將渭南大股竄匪立圖殄殲托
明阿瑛棨防守省城不得稍形懈弛並飭各地方
文武傳集兵團悉力守禦毋令賊得乘閒回撲省
垣渭南逼近渭河賊如偷濟咸陽古渡擾及蒲同
一帶膏腴亦不可不豫爲防範張苦有統帶鄉團
之責瑛棨等奏各路民團助戰甚爲得力深堪嘉
獎著卽乘機激勵並會同地方官紳講求地利扼

要堵勦協助官軍務使賊匪所到不得肆擾保全
完善湖北河南之兵著官文等仍飭令何紹彩一
軍並派金國琛抽調防兵無分晝夜馳赴陝省分
投援勦舒保多隆阿皆係楚之驍將現在隨州蘆
郡均已克復而陝省軍情如此喫緊該省係餉源
所在非有勁兵名將難冀保全著官文會商曾國
藩於多隆阿舒保二員中酌量何員入陝爲宜卽

一面奏聞一面派令率其所部星速入陝多隆阿
如能前往其所留皖省之兵勇卽著交李續宜統
帶鄭元善前派赴大峪口之兵一千名著卽迅催
出境會同陝兵夾擊並督飭楊飛熊等軍實力堵
截此後如有匪股再由豫省續犯關中惟鄭元善
是間陝省匪蹤竄至渭南藍田與晉省僅一河之
隔天津渡與潞澤等處防務尤要劉子城等辦防

有無布置是否足資得力均須加意察看該撫何
日出省何處駐紮並著速行具奏陝西保沈兆霖
兼轄著速飭馬德昭卽遵前旨挑選精兵二三千
名赴陝飭令相機督勦並著駱秉章催令毛震壽
帶兵速赴陝省繞出賊前與本省官兵會合勦辦
速將陝南竄匪殲除或驅令出關以全完善瑛棨
張芾仍卽督率地方官紳將分竄各屬之零星股

匪隨時勦擊多隆阿謀勇兼優足當專閫現在廬州已克是否仍須留皖如可派往陝西更爲得力仍著官文咨商曾國藩酌度辦理

上諭內閣曰此次賊撲陝西省垣經兵勇民團分路擊退城圍立解此外零股經各地方文武帶領兵勇民團追勦殆盡商雒已無賊蹤辦理尙爲出力著該撫等迅飭帶兵各員會同團勇奮力殲除毋

留餘孽所有力戰受傷之阿揚阿著瑛棨等先行
保奏現在回竄藍田之匪榮經孔廣順等督兵跟
蹤追勦惟副將施鵬經該撫派令帶兵前往泥峪
口一帶聽候孔廣順調度乃該副將不候札飭徑
赴商州又復株守州城延不出戰僅予革職不足
蔽辜甘肅候補副將施鵬著卽行革職拏問交瑛
棨等嚴行審訊如果有抗延違令情事卽於軍前

正法以肅軍令而儆效尤

同日毛鴻賓奏言查調赴浙江之總兵劉培元
一軍已於四月初三至初九等日分起拔營知
府魏喻義已率所部來自桂陽均取道江西前
進前宜昌鎮總兵李續燾臣已飭令趕緊回籍
招募勇丁一面飛咨河南撫臣迅速籌解行資
以便該總兵及早起程福建水師提臣楊載福

昨已行抵長沙欲於湖南湖北兩省籌款帶往
俟議定卽令起程赴營奏入報

聞